



Doris J. Jensen
Inatsisartunut ilaasortaq
Siumut

Kommuneqarfik Sermersuup Nuummi ineqarnermut suliassaqarfimmi suleriaasia pillugu § 37 naapertorlugu apeqquteqaammut 2024-038-mut akissut

21-02-2024
Sullap nr.: 2024 - 3867
ID. nr. 91061917

Asasara Doris J. Jensen

Nuummi ineqarnermut suliassaqarfimmi Kommuneqarfik Sermersuup suleriaasia pillugu Inatsisartut Suleriaasianni § 37 naapertorlugu Naalakkersuisunut apeqquteqarputit. Apeqqutitit uannut akisassanngorlugit innersuunneqarput. Apeqqutit matuma kinguliani ataasiakkaarlugit issuarneqarput, akissuteqaammik malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanog.gl
www.naalakkersuisut.gl

Apeqqut 1: Attartornissamut isumaqatigiissutit tamarmik sanaartukkamik piginnittup aammalu Kommuneqarfik Sermersuup akornanni inuussutissarsiornermi attartornissamut isumaqatigiissutit taallugit sananeqartarput. Tamanna Naalakkersuisunit isumaqarfigineqarnerluni pisortanik taarsigassarsinissamut piumasaqaatinik naammassinniffiusoq?

- a) Taamaangippaat, kinguneqartitsinissat qanoq ingerlanneqarniarpat?
- b) Naalakkersuisoqarfimmit soormita suliap aallartinneqarneraniit aatsaat ukiuni 5-ni naammassisimalereerneranumut sanaartukkanik piginnittunut mianersoqqussummik nassiussisoqarnissaanik utaqqisitsisoqarsimava?

Akissut: Kommunip illuummi inissiat inissianik pilersuinissamut siunertanut atorpagit, nammineq pigisanik inissialianik, inissianik aningaasalersuinissamut taarsigassarsititsivigineqarsimasunik, kommunimut attartortitsinissamik akimmisaartitsisunik ineqarnermut inatsisini aalajangersagaqanngilaq.

Taamaalilluni inatsisini allanngortitsinerit, ilaatigut illuliani kommunip imaluunniit kommunip inissiaatileqatigiiffiata attartugaanni, tamatumalu kingorna attartortitsisarnermut peqqussummi maleruagassat malillugit nalinginnaasumik inissianik pilersuinerit attartorteqqinneqartuni attartortunik illersuinissamut maleruagassanik aalajangersaanissamik siunertaqartut, piviusunngortinneqarput. Assersuutigalugu takukkit *illuliortiternernut aningaasalersuineq pillugu Inatsisartut peqqussutaata allanngortinneqarnera pillugu Inatsisartut peqqussutaannut siunnersuummut*, 2010-mi upernaakkut Inatsisartuni suliarineqartumut akuerineqartumullu Naalakkersuisut nassuiaataat, taamaaqataanillu *inissianik attartortitsisarneq pillugu Inatsisartut peqqussutaata allanngortinnera pillugu Inatsisartut inatsisaannut siunnersuummut*, 2022-mi ukiaanerani Inatsisartuni suliarineqartumut akuerineqartumullu Naalakkersuisut nassuiaataat.

Nakkutilliisoqarfiup 2021-mi novembarimi suliame aalajangiinera malitseqartillugu, Kommuneqarfik Sermersuup Nuummi ineqarnermut suliassaqarfimmi suleriaasia pillugu suliassaqarfimmi nakkutilliinermik taagorneqartoq Ineqarnermut Attaveqaasersuutinullu Naalakkersuisoqarfiup aallartippaa, tassani Nakkutilliisoqarfik ilaatigut aalajangiivoq:

- suliassani ataatsimoortuni inissianut tapersiissutitut taarsigassarsiarititat akuerineqarsimasut inatsisinut naapertuuttumik akuerineqarsimanersut, Ineqarnermut, Attaveqaasersuutitut Naligiissitaanermullu Naalackersuisoqarfik suliassaqaarfimmut naalackersuisoqarfittut oqartussaasutut naliliissasoq, inassutigineqartoq.
- innuttaasunut ataasiakkaanut attartortitseqqinnissamut isumaqatigiissutit isumaqatigiissutigineqarsimasut inatsisinut naapertuunnersut, Ineqarneq pillugu Maalaaruteqartarfik nammineq aallartitaminik isummersinnaassanersoq, Ineqarnermut, Attaveqaasersuutitut Naligiissitaanermullu Naalackersuisoqarfik naliliissasoq, inassutigineqartoq. Inassuteqaammut tassunga nangissutigalugu, attartortitsinissamut isumaqatigiissutit aamma attartortitseqqinnissamut isumaqatigiissutit isumaqatigiissutigineqartut naliliivigineqarneranni innuttaasut qisuariarfigineqarsinnaanngitsut, Nakkutilliisoqarfiup Ineqarneq pillugu Maalaaruteqartarfiup atuunneranut tunngatillugu paasivaa.

Naalackersuisut suliniutissani marlunni Nakkutilliisoqarfiup aalajangiinera malitseqartippaat:

- Inissianik attartortitsisarneq pillugu Inatsisartut peqqussutaata allangortinnera pillugu Inatsisartut inatsisaannut siunnersuut, 2022-mi ukiaanerani Inatsisartuni suliarineqartoq akuerineqartorlu, Naalackersuisut 2022-mi ukiaanerani saqqummiuppaat. Inatsisip allangortinneqarnerani ilaatigut ilaatinneqarput Ineqarneq pillugu Maalaaruteqartarfiup sulinera, attartortut pisinnaatitaaffii kiisalu inissiani attartortittakkani kommunip, Namminersorlutik Oqartussat imaluunniit ingerlatseqatigiiffiup pisortanit pigineqartup inissarsiortunut attartorteqqinnissaat siunertaralugu attartorsimasaanni attartornissamut atugassarititaasunut maleruagassat.
- Kommuniup aningaasaliissuteqarnera aamma inissianik aningaasalersuinissamut taarsigassarsiarititanik allaffissornikkut aqutsinera ukkataralugu, Kommuneqarfik Sermersuup Nuummi ineqarnermut suliassaqaarfimmi suleriaasia pillugu suliassaqaarfimmi nakkutilliineq 2022-mi februaarimi Ineqarnermut Attaveqaasersuutinullu Naalackersuisoqarfiup aallartippaa.

Ineqarnermut Attaveqaasersuutinullu Naalackersuisoqarfiup suliassaqaarfimmi nakkutilliinera suli naammassineqanngilaq; kisianni pissutsit ataasiakkaat aalajangersimasut naammaginantumik uppersarsarneqanngippata, iluarsineqanngippatalu, Ineqarnermut Attaveqaasersuutinullu Naalackersuisoqarfik inissianik aningaasalersuinissamut taarsigassarsiarititat akiligassanngornissaat pillugu, nakkutilliinermik suliaqarnerup malitsigisaanik, Nuummi illuutininik piginnittunut ilimasaarisariaqarsimammat, uppersarsinnaavara. Pisuni ataasiakkaani taakkunani kommuni aamma Namminersorlutik Oqartussat illulioriternernut aningaasalersuineq pillugu Inatsisartut peqqussutaanni taamanikkut atuuttumi aalajangersakkat naapertorlugit inissianik aningaasalersuinissamut taarsigassarsiarititat 20 %-iinik taarsigassarsititsimapput.

Apeqquut 2: Sermitsiaq.AG-mi allakkiami “Namminersorlutik Oqartussat ilimasaarummik Ejendomsselskabet Sermersooq ApS-imut allagaqaatiminnik atorunnaarsitsinissaannut pilersaarutit naammattut kommuni neriuppoq, allaffissornikkut attartornerit ingerlaannarniassammata.” allanneqarpoq

“Namminersorlutik Oqartussat ilimasaarummik Ejendomsselskabet Sermersooq ApS-imut allagaqaatiminnik atorunnaarsitsinissaannut pilersaarutit naammattut kommuni neriuppoq, allaffissornikkut attartornerit ingerlaannarniassammata.”
Illuliortarnermut aningaasalersuisarneq pillugu Inatsisartut Inatsisaanni § 12 nr. 39 23. November 2017-meersumi imaluunniit illuliortarnermut aningaasalersuineq pillugu Inatsisartut peqqussutaanni 7. Maj 2007-meersumi § 15-mi piunasaqaatip kinguartinneqarnissaanut inatsisitigut sukku tunngavissaqarpa??

Akissut: Matuma siuliani apeqqut 1-imi akissuteqaammi allassimasutut, Ineqarnermut Attaveqaasersuutinullu Naalakkersuisoqarfiup suliassaqaarfimmi nakkutilliinera suli naammassinngilaq. Ilaatigut innissialiani kalluarneqartuni aammalu illut atorneqarneranni ineqarnermut akiliutit aalajangersarneqarnera pillugu apeqqummut tamanna atuuppoq.

Pissutsit aalajangersimasut pissusissamisunngippata imaluunniit iluarsineqarniannngippata, illuummik piginnittut pineqartut taarsigassarsimasullu pissutsit iluarsineqarnissaat imaluunniit inissianik aningaasalersuinissamut taarsigassarsiaritit, Namminersorlutik Oqartussat illuliani pineqartuni taarsigassarsiaritissimasaasa utertillugit akilerneqarnissaat pillugu piunasaqaateqarfigineqarnissaq naatsorsuutigisariaqaraat, Ineqarnermut Attaveqaasersuutinullu Naalakkersuisoqarfiup ilimasaaraluni allakkiaa illuutini piginnittunut sioqqutsisumik ilimasaarinertut iluseqarpoq. Tamatuma saniatigut suliami pineqartoq oqartussanit piunasaqaatip imaluunniit peqqussutigineqartup oqaaseqarfiginissaanut imaluunniit malinnissaanut naleqquttumik piffissalerneqarnissamik pisinnaatitaasoq pillugu suliassanik suliarinninnermi tunngaviummik malitassaqaarnera, Naalakkersuisoqarfiup ilimasaaraluni allakkiaani tunngavigineqarpoq.

Apeqqut 3: Illuliortarnermut aningaasalersuisarneq pillugu Inatsisartut Inatsisaat nr. 39 23. November 2017-meersumi § 12-mi atorunnaarsitsinissamut allassimasumut kommuunimit taarsigassarsiat inatsisitigut atuutsitsiffiusumut inimik attartortitsisoqarpat akiligassiisutigineqassasut. Kommuneqarfik Sermeersooq, matumani inuussutissarsiornermi attartornissamut isumaqatigiissutini attartortuusooq immikkut inatsisitigut atuutsitsiffiusutut isigineqarnerluni?

- a) Kommuneqarfik Sermersooq inatsisitigut atuutsitsiffiusutut isigineqarpat, taava suna pillugu pisortanit taarsigassarsiat inatsit naapertorlugu akiligassanngortinneqarnissaat suli nalunaarutigineqarsimannngila?**

Akissut: Ineqarnermut inatsisini aammalu inatsisini nalinginnaasumik, kommuni aammalu assersuutigalugu inissiaatileqatigiiffik kommunimit pigineqartoq oqaatsimi, ”pisinnaatitaallunilu pisussaataasoq”, pineqartunut ilaapput. Kisianni matuma siuliani apeqqut 1-imut akissuteqaammi allassimasutut, inissialiat nammineq pigisat, inissianik aningaasalersuinissamut taarsigassarsiarititanik taarsigassarsititsivigineqarsimasut, illuut inissianik pilersuinissamut siunertanut atorneqarsimappat, kommunimut imaluunniit inissiaatileqatigiiffimmut kommunimit pigineqartumut attartortinneqarnissaannut, illuliortiternernut aningaasalersuinerneq inatsimmi aalajangersakkat akornusiinngillat.

Kommuneqarfik Sermersuup Nuummi ineqarnermut suliassaqaarfimmi aqutsinera pillugu suliassaqaarfimmi nakkutilliinermut, Ineqarnermut Attaveqaasersuutinullu Naalakkersuisoqarfiup maannakkorpiaq ingerlataanut, tunngatillugu apeqqummut 6-imut akissuteqaammi oqaaseqaatikka innersuussutigalugit, kommunimit aammalu

taarsigassarsisimasunit uppernarsaatinik piniarluni suliaqarneq suli naammassinngimmat, Naalakkersuisoqarfimmut tunngatillugu paasissutissiissutigisinnaavara. Taamaattoq matuma siuliani apeqqummut 2-mut akissuteqaatinni allassimasut, pissutsit ataasiakkaat aalajangersimasut naammaginartumik uppernarsarneqanngippata, iluarsineqanngippatalu, inissianik aningaasalersuinissamut taarsigassarsiarititat utertillugit akilerneqarnissaat piumasaqaatigineqartussaasoq, suli atuutissaaq.

Apeqqu 4: § 37 naapertorlugu illuliornermut aningaasalersuineq pillugu Inatsisartut inatsisaat nr. 39 23. November 2017-meersumi pisortanit taarsigassarsiat akikillisaavigineqarlutik taarsigassarsiat matussuserneqarsimanerat Naalakkersuisut iliuuseqarfiginialersaernerlunikku?

a) Soorlu assersuutigalugu akiitsut tamaasa akileqquneqarlutik aammalu ernialerneqarlutik?

Akissut: Inissianik aningaasalersuinissamut taarsigassarsiarititat sioqqutsisumik akilerneqarsinnaanerata pillugu illuliornermut aningaasalersuineq inatsimmi § 37 taarsigassarsisut ataasiakkaat pisinnaatitaaffiattut isigineqarsinnaavoq. Taamaattumik illuliornermut aningaasalersuineq inatsimmi §§ 37-mi aamma 39-mi maleruagassat malillugit taarsigassarsisup sioqqutsisumik taarsigassarsiat akilersimappagit, taarsigassarsititsisup tungaaniit annertunerusunik iliuuseqarnissamut inatsimmi tunngavissaqartussaannilaq.

Apeqqu 5: Matumani suliap saniatigut neriorsuutigineqarsimasunut allanut Naalakkersuisut nalilersuinermit ingerlatsisimanerlutik?

Akissut: Politikkikkut akisussaaffeqarfimma iluanni taarsigassarsititsinissamut neriorsuutit, Nakkutilliisoqarfiup 2021-mi novembarimi aalajangiineranut nangissutigalugu Ineqarnermut Attaveqaasersuutinullu Naalakkersuisoqarfiup suliaasaqarfimmi nakkutilliinerani ilaatinneqartut, nalilersorneqareerput, takuuk matuma siuliani apeqqu 1-imut akissuteqaatiga. Taarsigassarsititsinissamut neriorsuutit allat suut suliami matumani nakkutilliinermit suliaqarnermut attuumassuteqarsimassanersut ilisimasaqarfingnilara.

Apeqqu 6: Sermitsiaq.ag-mi allakkiaq 21. Aggustusi 2023-meersumi allaqqavoq ineqarnermut suliamik unioqqutitsisumik ingerlatsisoqarsimasoq – Naalakkersuisunit piumasaqaatit kommuneqarfik sermersuumut tunniunneqarsimappat, aammalu tunngavilersuutit suut tunngavigineqarsimappat?

Akissut: Apeqqummut akissuteqaatinni, Nakkutilliisoqarfiup 2021-mi novembarimi aalajangiineranut nangissutigalugu Ineqarnermut Attaveqaasersuutinullu Naalakkersuisoqarfiup suliaasaqarfimmi nakkutilliinera, aallaavigineqarpoq, tamatumunnga erseqqinnerusunik nassuiaatinut takuuk matuma siuliani apeqqu 1-imut akissuteqaat.

Naalakkersuisoqarfiup nakkutilliinermit suliniuteqarnera oqaatigineqartut suliaasaqarfimmi nakkutilliinertut taaneqartarpoq – tassa imaappoq Naalakkersuisoqarfiup inatsisini kommunimut immikkut ilitsersuinissamut piginnaatinneqannginnera, nakkutilliinermit aallaavigineqarluni. Taamatut

piginnaatitaanerit tamatumunnga taarsiullugu Nakkutilliisoqarfimmiitinnearput, soorlu tamanna kommunit aqunneqarnerannut inatsimmi nassuiarneqartoq.

Tamatuma ilaatigut kingunerisaanik, Ineqarnermut Attaveqaasersuutinullu Naalackersuisoqarfiup kommunimut piumasaqaatit oqaaseqaatillu il.il., piginnaatitaanerit taakkua, Naalackersuisoqarfimmut suliassaqaarfimmut naalackersuisoqarfittut atuuttut, annertussusaannut naapertuuttunngorlugit aaqqissuuttariaqarpai.

Inatsisini tunngavissat, Naalackersuisoqarfiup nakkutilliineranut atuuttut tunngavigalugit Naalackersuisoqarfiup suliassaqaarfimmi nakkutilliinerata aaqqissuunneqarnera eqikkarlugu Kommuneqarfik Sermersuumut makkuninnga Ineqarnermut Attaveqaasersuutinullu Naalackersuisoqarfiup iliuuseqarpoq:

- kommunip inissianik aningaasalersuinissamut taarsigassarsiarititai aammalu inuussutissarsiortunut attartornissamut isumaqatigiissutigisimasai pillugit najoqqutassanik attuumassutilinnik piniarneq,
- najoqqutassat misissorneqarnerat aammalu suliani taakkunani kommunip suliassanik suliarinninnera kiisalu kommunip ingerlatsivimmi iliuuserisaasa inatsisinut naapertuunnerat pillugit kommunimut oqaaseqaateqarneq,
- pingaartumik attartortitsisarnermut illuliornermullu aningaasalersuinermut inatsisinut tunngatillugu suliassanik kommunip aqutsisimaneranut erseqqinnerusumik nassuiaanissamik kommunip piumaffigineqarnera,
- suliassaqaarfinni, siusinnerusukkat aalajangiisimanagerit allanngortinnissaannut iliuuseqartoqassanersoq, kommunip isumaliutersuutigisariaqaraluaraa, uparuaanerit,
- suliassaqaarfinnik, kommunip ilumini suleriaatsinik pitsanngorsaaniissamut iliuuseqarfigisariaqaraluagaannik, uparuaaneq.

Apeqqu 7: . Inuussutissarsiornermi attartornermut isumaqatigiissummi ukiumut procentikkaartumik qaffaatit attartortitsisumit ilisimatitsissutigineqaratik attartortunut akiligassanngortinneqarsinnaanerit Naalackersuisut nalilersimanerlunikku?

Akissut: Illuatungaani attartornermut akiliutip annertussusissaata aamma attartornermut akiliutip iluarsineqartarnerata, illuatungaani ineqarnermut akiliutit annertussusissaat aamma najugaqartunut attartortitsinissamut isumaqatigiissutini ineqarnermut akiliutip iluarsineqartarnera imminnut toqqaannartumik ataqatigiinngillat.

Ineqarnermut akiliutit annertussusissaat aamma najugaqartunut attartortitsinissamut isumaqatigiissutini ineqarnermut akiliummik iluarsiarnerit, attartortitsisarnermut peqqussummi aalajangersakkani maleruagassiivigineqarput. Inissianik attartortitsisarneq pillugu Inatsisartut peqqussutaata allanngortinnera pillugu Inatsisartut inatsisaata nr. 13, 21. November 2022-meersup akuerineqarnerani attartortitsisarnermut peqqussummi aalajangersakkat 1. Januar 2023 aallarnerfigalugu atuutilersumik atuuttut makkua aalajangersarneqarput:

"§ 1 a. Namminersorlutik Oqartussat kommunillu inissiaataat attartortittakkat pillugit kapitali 3-7-imi aamma 9-11-mi aalajangersakkat pisariaqartunik naleqqussaavigineqarlutik aamma ukununnga atuutissapput:

- 1) Inissianik attartortittakkanik, Namminersorlutik Oqartussanit imaluunniit kommunimit attartorneqartunik, tamatumalu kingorna attartortussamut attartorteqqinneqartunik attartortumut najugaqarfissatut attartortitsinissamut isumaqatigiissut.
- 2) Inissianik attartortittakkanik, inissiatileqatigiiffinit, Namminersorlutik Oqartussanit imaluunniit kommuninit aalajangiiffiqineqarlutik sunniuteqarfigineqartartunit attartorneqartunik, tamatumalu kingorna attartortussamut attartorteqqinneqartunik attartortumut najugaqarfissatut attartortitsinissamut isumaqatigiissut.”

Tamanna suliaqarnermi isumaqarpoq, inissiani attartortittakkani, inuussutissarsiortunut isumaqatigiissummik taagorneqartumi pilersimasuni, ineqarnermut akiliummik aalajangersaanermi aamma ineqarnermut akiliutip iluarsineqarnerani aalajangersakkat illuliani attartortittakkani pisortanit pigineqartuni ineqarnermut akiliummik aalajangersaanermut aamma ineqarnermut akiliummik iluarsisarnermut atuuttut, malinneqartussaasut.

Kisiannili inuussutissarsiortunut attartornissamut isumaqatigiissummi, Kommuneqarfik Sermersuup Nuummi inissialianik namminersortunit pigineqartunut isumaqatigiissutigisimasaattut ittumi, ineqarnermut akiliutip aalajangersarneqartarnera aamma ineqarnermut akiliutip iluarsineqartarnera maleruagassat allat malillugit maleruagassiivigineqarput:

- Namminersortut inissialiaannut inissianik aningaasalersuinissamut taarsigassarsiarititanik taarsigassarsititsisoqarsimappat, inuussutissarsiortunut attartornissamut isumaqatigiissummi attartornermut akiliutip annertussusai aamma attartornermut akiliutip iluarsineqartarnera attartortitsisarnermut peqqussummi § 33-mut, namminersortut inissialiaanni attartortittakkani ineqarnermut akiliummut aningaasartuutit malillugit aalajangerneqartumut tunggassuteqartumut, naapertuuttumik aaqqissuunneqassapput.
- Namminersortut inissialiaannut inissiani, kommunimit imaluunniit kommunip inissiatileqatigiiffianit inuussutissarsiortunit attartornissamut isumaqatigiissummik taagorneqartumi attartorneqarsimasuni, inissianik aningaasalersuinissamut taarsigassarsititsisoqarsimanngippat, ineqarnermut akiliutip aalajangersarneqartarneranut ineqarnermut inatsisini immikkut maleruagassanik atuuttoqanngilaq.

Kisianni inuussutissarsiortunut attartornissamut isumaqatigiissummik taagorneqartumi ineqarnermut akiliutip aalajangersarneqarneranut atugassarititaasut apequtaatinngit, illuutini najugaqartunut ineqarnermut akiliutip aalajangersarneqarnerata, inuussutissarsiortunut attartornissamut isumaqatigiissummi atugassarititaasunut aamma aalajangersakkanut attuumassuteqanngitsumik, tamatumunngalu taarsiullugu malittarisassat inissialiani pisortanit pigineqartuni ineqarnermut akiliutip aalajangersarneqartarneranut atuuttut malillugit, aalajangersarneqartussaanera atuuppoq.

Apeqquut 8: Suliamup tunngatillugu Naalakkersuisut allanik ilisimatitsissutissaqarpat?

Akissut: Paasissutissiissutigisinnaavara nakkutilliinermik suliaqarneq naammassippat, Naalackersuisoqarfiup akisussaaffeqarfimmini nakkutilliinerata inernera pillugu at Ineqarnermut Attaveqaasersuutinullu Naalackersuisoqarfiup Nakkutilliisoqarfik ilisimatissammagu.

Apeqqummut saqqummiunneqartumut allanik oqaaseqaatissaqanngilanga, neriutigaaralu matuma siuliiniittuni apeqqutitit akineqarsimassasut.

Inussiarnersumik inuullaqqusillunga

A handwritten signature in black ink, consisting of several loops and a long horizontal stroke at the end.

Hans Peter Poulsen